

Na osnovu člana 16. stav 2. Zakona o Vladi Zeničko - dobojskog kantona - Prečišćeni tekst («Službene novine Zeničko-dobojskog kantona», broj: 7/10) i člana 4. stav 1. Zakona o koncesijama (Prečišćeni tekst) («Službene novine Zeničko-dobojskog kantona», broj: 5/03), na prijedlog Ministarstva za privredu, Vlada Zeničko-dobojskog kantona, na 76. sjednici, održanoj 03.11.2016. godine, donosi

ODLUKU

o pristupanju provođenja procedure dodjele koncesije za istraživanje i eksploataciju mineralne sirovine - ceruzita na lokalitetu “Očekalj” i “Prgoševo” K.O. Dugandžići, općina Olovo

Član 1.

(Predmet)

Pristupa se provođenju procedure dodjele koncesije za istraživanje i eksploataciju mineralne sirovine - ceruzita, na ležištu “Očekalj” i “Prgoševo” K.O. Dugandžići, općina Olovo.

Član 2.

(Lokacija)

(1) Istražno-eksploatacioni prostor ležišta “Očekalj” i “Prgoševo” K.O. Dugandžići, općina Olovo, ograničen je graničnim linijama sa prijelomnim tačkama, kako slijedi:

Tačka 1	Y= 6 549 866,00	X= 4 884 387,00
Tačka 2	Y= 6 550 182,00	X= 4 884 263,00
Tačka 3	Y= 6 550 356,00	X= 4 883 955,00
Tačka 4	Y= 6 550 409,00	X= 4 884 002,00
Tačka 5	Y= 6 550 521,00	X= 4 883 901,00
Tačka 6	Y= 6 550 325,00	X= 4 883 717,00
Tačka 7	Y= 6 550 145,00	X= 4 883 840,00
Tačka 8	Y= 6 550 067,00	X= 4 883 950,00
Tačka 9	Y= 6 550 095,00	X= 4 884 000,00
Tačka 1	Y= 6 549 866,00	X= 4 884 387,00

(2) Površina istražno-eksploatacionog polja je **155.972 m²**, a locirana je na parcelama K.O. Dugandžići, kako slijedi: k.č.1762, k.č.1777/3, k.č.1766, k.č.1765, k.č.1772, k.č.1771, k.č.1756, k.č.1757, k.č.1758, k.č.1768, k.č.1759, k.č.1760, k.č.1775, k.č.1774, k.č.1773, k.č.1764, k.č.1763, k.č.1761, k.č.1755, k.č.1754, k.č.1752, k.č.1753, k.č.1750, k.č.1751, k.č.1770, k.č.1769 i k.č.1767.

(3) Ovo istražno-eksploataciono polje ima neposredni kontakt sa istražno-eksploatacionim poljem za koje je već dodijeljena koncesija koncesionaru “Geomet” doo Olovo.

Član 3.

(Elementi Ugovora)

Posebni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine ceruzita su:

- Vrijeme koncesije za eksploataciju je **25 godina**, računajući od dana dobivanja dozvole za eksploataciju, a zavisit će od utvrđenih rezervi mineralne sirovine;
- Za eksploatisane količine mineralne sirovine ceruzita, koncesionar je dužan plaćati kontinuiranu koncesionu naknadu u iznosu od minimalno **1,5 KM/t rovne rude** (slovima: jedanzarezpetkonvertibilnihmaraka po toni rovne rude);
- Minimalna količina eksploatisane mineralne sirovine za koju je koncesionar obavezan plaćati kontinuiranu koncesionu naknadu je **120.000,00 t/godini rovne rude** (slovima: stotinu dvadeset hiljada tona po godini rovne rude);

- d) Minimalna jednokratna koncesiona naknada za istražno-eksploatacioni prostor ležišta "Očekalj" i "Prgoševo" K.O. Dugandžići, općini Olovo je **0,15 KM/m²** po metru kvadratnom (slovima: nulazarezpetnaestkonvertibilnihmaraka po metru kvadratnom istražno-eksploatacijskog prostora).

Član 4.

(Opći eliminatorni uslovi)

(1) **Opći eliminatorni uslovi** za izbor najpovoljnije ponude za dodjelu koncesije za eksploataciju mineralne sirovine ceruzita na predmetnom lokalitetu su:

- a) Dokaz o uspješnom poslovanju ponuđača u posljednje tri poslovne godine;
- b) Dokaz o uredno izmirenim javnim prihodima (porezima, doprinosima, koncesionim naknadama...);
- c) Garancija banke na iznos vrijednosti minimalne jednogodišnje eksploatacije mineralnog resursa ceruzita prema ponuđenoj cijeni koncesione naknade;
- d) Studija o ekonomskoj opravdanosti dodjele koncesije na istraživanje i eksploataciju mineralnog resursa ceruzita na lokalitetima "Očekalj" i "Prgoševo" K.O. Dugandžići, općina Olovo, urađena prema Načelnom sadržaju koji se može dobiti u Ministarstvu;
- e) Ovjerena izjava da pod krivičnom i materijalnom odgovornošću nesporno prihvata financijsku obavezu sukcesivnog deminiranja prema razvoju i dinamici istražno-eksploatacijskih radova;
- f) Ovjerena izjava ponuđača da pod krivičnom i materijalnom odgovornošću, nesporno, prihvata sve uslove iz Saglasnosti Općinskog vijeća Olovo, broj: 01-01-3-1309-1/16 od 14.06.2016.godine;
- g) Ovjerena izjava da se pod krivičnom i materijalnom odgovornošću obavezuje omogućiti realizaciju svih projekata od općeg interesa, za koje Općinsko vijeće Olovo iskaže interes, a nije u koliziji sa ovim Projektom;
- h) Ovjerena izjava da pod krivičnom i materijalnom odgovornošću, nesporno, prihvata obavezu da u toku eksploatacije, u slučaju nailaska na sirovine plemenitih metala, obavijesti Koncesora i iste deponuje u području istražno-eksploatacionog lokaliteta, te ih preda Koncesoru;
- i) Ovjerena izjava Koncesionara ("Geomet" d.o.o Olovo), čije istražno-eksploatacijsko polje graniči sa istražno-eksploatacijskim poljem iz predmeta ovog Javnog poziva, o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

(2) Izjave pod (e), (f), (g) i (h) mogu biti date u integralnoj formi, odnosno objedinjene.

Član 5.

(Ostali uslovi)

Ostali uslovi za izbor najpovoljnije ponude za dodjelu koncesije za eksploataciju i istraživanje mineralne sirovine ceruzita su sljedeći:

- (1) Koncesija će se dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije za istraživanje i eksploataciju mineralne sirovine ceruzita na ležištima "Očekalj" i "Prgoševo" K.O. Dugandžići, općina Olovo.
- (2) Kontinuirana koncesiona naknada će se usaglašavati na kvartalnom nivou prema kretanju cijene metala olova na Londonskoj berzi.

